

# 海南島誌

## 第一章 土地

### 第一節 沿革

海南島。處廣東省極南。國人通稱曰海南。曰瓊州。行政區域名稱。則曰瓊崖。

本島在唐虞三代為揚越荒徼。秦為越外境。漢置珠崖儋耳二郡。統轄五縣。尋罷棄。晉隸合浦郡。督於交州。宋齊梁陳隋之間。略有變更。唐立崖儋振三州。每州領縣四。再分置瓊州。又改為瓊崖二州。屬嶺南道。移都督府於瓊州。後五代屬南漢。宋廢崖州。併入瓊州。屬廣南西路。并設靖海軍節度使於黎母山峒。元曰瓊州。隸於雷州之海北海南道。復改瓊州為乾寧軍民安撫司。隸廣西中書行省。明初升瓊州為府。以儋萬崖為屬州。改隸廣東省。清因之。置瓊崖道。領儋萬崖三州。并瓊山澄邁定安文昌會同樂會臨高昌化陵水感恩十縣。清末改三州為縣。共十三縣。民國初。仍置瓊崖道。改會同曰瓊東。昌化曰昌江。萬縣曰萬寧。十年。廢瓊崖道。十五年。劃瓊山縣屬海口港設海口市。十三縣如舊。

### 第二節 位置

本島孤懸海外。形橢圓。位於我國之最南部。經綫自東經一百一十一度二分三十秒。至一百零八度三十六秒。緯綫自





北緯十八度九分。至二十度二分。西望安南。南控南洋羣島。迤東則遙與菲律賓相望。北隔海南海峽。與雷州半島對峙。於國防上經濟上。均占重要位置。西人嘗評海南臺灣兩島。為吾國之二目。可以知其價值也。

### 第三節 面積

(一)全島面積 本島面積。尙未經精確測計。攷諸記載。亦至不一。惟據十六年陸軍測量局所製圖。則稱本島橫二十五萬米突。縱二十二萬米突。較為可信。由此推算。全島面積。約計九萬七千一百九十八方里有奇。黎區漢區。各得其半。現本島行政區域。分十三縣一市。茲將各縣市面積表列如下。

縣 市 別	面 積
海 口 市	二六、〇〇〇〇 方里
瓊 山	九、八六八、一二八四 方里
澄 邁	六、〇二一、二八五一 方里
文 昌	六、八五二、九五〇二 方里
定 安	九、八三七、二二九四 方里





(二)耕地面積 各縣田地。久年未行清丈。殊不易得其面積確數。僅可就各縣錢糧推算。顧錢糧積弊甚深。有糧而

第一章 土地

共計	感恩	昌江	儋縣	臨高	崖縣	陵水	萬甯	樂會	瓊東
九七、一九八、五二六六 方里	八、八四七、七七八三 方里	六、四六一、四八六二 方里	八、九八五、八三四五 方里	六、四三一、三五八五 方里	一二、五七四、九三三〇 方里	八、一〇二、四四九九 方里	五、八二四、二四四八 方里	五、〇五七、四八九〇 方里	二、三〇六、七三二七 方里



無田者有之。有田而無糧者有之。兼以各縣科則不同。糧房向守秘密。實際上亦未必精當可靠也。姑將瓊州府志所載清代所調查者。表列於後。以略示本島所有耕地面積之梗概。

縣別	原						額
	田	地	塘	新墾田地	合	共	
瓊山	六八〇九頃四五畝 一分三厘二毛	二一五四頃五七畝 一分七厘八毛	七五頃九一畝四厘 四毛	三八八頃八五畝五 厘	九四二八頃七八畝 四分四厘	七七五四頃八畝六 分二厘七毛	
文昌	七〇八六頃三三畝 六分	八二頃九五畝三分	一頃六六畝	一三八頃四七畝六 分八厘五毛	七三〇九頃四二畝 五分八厘五毛	六二二〇頃一五畝 二分六毛	
澄邁	三七五八頃四三畝 五分三厘七毛	九二頃九四畝一分 九厘六毛	一〇頃六七畝二分 六厘五毛	五二六頃二四畝六 分三厘一毛	四三八八頃二九畝 六分二厘九毛	三〇四九頃七三畝 四分九毛	
定安	三二〇三頃七四畝 五分七厘六毛	五五六頃八三畝一 厘四毛	無	四六〇頃九五畝四 分八厘八毛	四二二一頃五三畝 七厘八毛	二一一六頃八畝六 毛	
瓊東	一二五八頃三〇畝 一分	七頃八一畝三分三 厘一毛	一頃五四畝三分一 厘	五九頃一七畝六分 五厘七毛	一三二六頃八三畝 三分三厘九毛	一一六九頃六四畝 二分七厘九毛	
樂會	一〇九一頃二七畝 二分二厘六毛	二〇頃三六畝九分	一頃四三畝五分四 厘二毛	三〇〇頃九五畝三 分六厘一毛	一四一四頃三畝二 厘九毛	一〇三五頃一七畝 六厘五毛	
萬甯	一一六二頃三七畝 九分三厘二毛	三頃八二畝七分一 厘六毛	六頃一八畝六分三 厘四毛	二五〇頃八〇畝六 分七厘二毛	一四二三頃一九畝 九分五厘四毛	七六九頃六四畝六 分二厘六毛	

實編  
 除豁免  
 荒稅及  
 被水冲  
 陷田地  
 外



陵水	一六五頃八五畝 一分一厘四毛	七二畝二分三厘六毛	五頃九七畝一分二厘	五八頃一二畝七分七厘	一二三〇頃六七畝二分四厘	五五八頃七四畝三分五厘八毛
臨高	三二六頃一二畝 九分二厘七毛	三七九頃九九畝四分五厘	二頃四八畝四分八厘一毛	六三五頃二畝五分九厘七毛	四二五三頃六三畝四分五厘五毛	一七九八頃四五畝三分一厘七毛
儋縣	三一六頃九二畝 一分七厘五毛	一一二頃七一畝三分八厘九毛	一五頃三五畝五分三厘	四三頃七六畝七分一厘七毛	三二九八頃七五畝八分一厘一毛	三二九八頃七五畝八分一厘一毛
崖縣	二〇七一頃八分七厘八毛	九八頃八一畝六厘七毛	九頃四四畝一分六厘八毛	七〇頃四七畝三分五毛	二二四九頃七三畝四分一厘八毛	一六二一頃六四畝七分九厘九毛
昌江	四六三頃六一畝七分一厘六毛	一〇畝八分	五頃九一畝七分	七五頃五七畝七分七厘一毛	五四五頃二一畝八分八厘七毛	三〇六頃六八畝二分八厘八毛
感恩	二六四頃三六畝九分五厘六毛	三頃八六畝四分六厘	二頃三二畝五分	一〇四頃三三畝一分二厘七毛	三七四頃八九畝四分三厘三毛	二八三頃四七畝六分九厘一毛
統計	三四六九七頃八一畝八分六厘九毛	三五五頃五二畝三分七厘七毛	一三八頃九〇畝一分九厘四毛	三一一二頃七六畝八分二厘八毛	四一四六五頃九分二厘八毛	二九九八二頃七七分四分八厘二毛

按耕地面積。依照上表原額總數四一四六五頃九分二厘計算。約佔全島百分之八。如照實編數二九九八二頃七七分四分八厘二毛計算。約佔全島百分之六。查此表為清乾隆二十七年間調查。迄今歷時既久。生齒日繁。耕地比前自然增加。今依人口增加率益之。則為百分之八。更從而倍之。亦不過百分之十六。又此表所列。乃指納糧田地。其黎人所耕。向不納糧。自在例外。黎境佔全島半數。丁口當不下三十萬。一人所耕。倍蓰漢人。綜其耕地。至少有百分之四。統共二項。現在耕地面積。當佔全島百分之二十。計一萬九千四百四十方里強。

(三)荒地面積 本島平原地域。在人口較密之區。大部經開作耕地。其在人口稀疏之地。則荒地荒坡。尙所在皆是。



茲將調查所得。表列於後。為有志經營墾殖者備考索焉。

荒地荒坡表

縣別		名稱及地點	面積	積地	地面情形	備攷
坡或地	坡					
瓊山	坡	城東六七里之北冲坡	約二百方里		草生地低而平	此坡土地之一部現劃由海南農事試驗場經營
	坡	此外尚有坦地平坡散於各處	總計不下三百方里			
	坡	東三區翁田一帶	約二百方里		草生地半山坡甚燥	
	坡	縣城至清瀾二十里清瀾至會文三十里	約一百餘方里		半沙粘土草生地	
	坡	北七區由錦山市運南二十餘里	約一百餘方里		草地高低起伏	
	坡	北六區由溪尾以南至抱羅二十餘里又由抱羅以南至潭牛三十餘里	約二百方里		盛生雜草	
文昌	坡	東二區文教之寶典升粟膠庭等坡	約四十方里		草地	
	坡	西五區大昌一帶	約七方里		雜草叢生傾斜甚少	



樂會				瓊東						
坡	坡	坡	坡	坡	坡	坡	坡	坡	坡	
第三區椰子寨附近	第一區皇留坡	第二區中原市附近	第四區陽江市附近之打葵坡大二三鼓坡	縣北十五里處之大路舖至長坡市再北進十餘里	城南十里處	第六區之禁山龍山兩坡	第六區福田附近之高結	縣北大路市附近	南四區白延重興一帶距城約二十餘里	城南數里地方
約十餘方里	約四方里	約五方里	打葵約半里其餘三坡各約一里	約四百方里	約五六方里	共約二十餘方里	約四五方里	約六方里	約二十餘方里	約六方里
地盤頗高生矮小樹木	草生地低而平	草地	中高邊斜草生地雜矮小樹木	瘦瘠堅硬	草地	草地	草地低平無石	草生地高而平	草地略高而斜	砂質



		陵水			萬甯			樂會		
地	坡	坡	坡	坡	坡	坡	坡	坡	坡	坡
縣西黎區之烏牙峒	南之萬福坡英州坡	南區長坡九所一帶	與棍人坡相連之天寧坡	西區之棍人坡	中興萬陵一帶	第三區中興市附近	由縣城南迤至車坑十餘里	由粉車至新市三十餘里 又由新市至陽江二十餘里	由椰子寨迤南至新市約十里	由椰子寨迤東南至陽江約二十餘里
約六百餘方里	約十二方里	約六方里	約四方里	約十餘方里	約二十五方里	約四百餘方里	約六方里	約共六百餘方里	約五十方里	約一百餘方里
地勢頗低或起或伏為草地	地盤略高而平草地	地盤略高傾斜絕少裸地多草地少	全上	地盤高少傾斜	或起或伏小樹孤立	地盤略高微有傾斜	草生地高而平	地盤頗高生雜草及矮小樹木	全上	全上
地肥而水利便為各荒地之冠										



崖縣										
坡	坡	坡	坡	坡	坡	坡	坡	坡	坡	坡
縣北黎區樂安之嶺後坡	縣北近定安汎陽處之得下坡	縣北黎區安樂之多澗坡	縣北黎區樂平之長芒坡	坑縣西距九所十二里有關	油柑坡十餘里有三閭芸坡又名	縣南距城一十二里有南山坡	嶺北距城十里附近筆架嶺地方	縣北距城十二里有潭地坡	縣東距城約八十里處挖銀坡	東三區之山牛坡
約十五方里	約二百餘方里	約百餘方里	約四十餘方里	約四百餘方里	約二百餘方里	約四方里	約二方里	約二方里	約八方里	約六方里
低而平坦	地盤頗高而平	地盤頗高惟尙平坦	地盤低平小樹及草甚多	地低而平	北高南低略覺傾斜	地盤低平	地低而平	地盤頗高但甚平坦爲草生地	地盤低而平	地盤頗高微有傾斜
前時有人在坡上耕種後因匪擾遂致荒廢										



			昌江		感恩					
地	地	地	坡	坡	坡	坡	地	坡	坡	地
縣南距王五市十餘里	縣南距城七八十里有官 府田	縣南距城約百餘里之和 盛附近一幅	縣北距城三里之外	縣東黎區保平一帶	縣北之那旺十所八所一 帶	縣城東南十五里處殺羊 坡	縣東距城六七十里峨查 嶺脚處	佛羅市北約二十餘里有 老潘坡茅落坡隔岸對峙	縣東南距城三十里佗興 嶺勝處有六占坡	黎區安樂城附近
約五方里	約二方里	約十方里	約四十方里	約一百方里	約三百方里	約十方里	約二方里	合計約六千方里	約一百二十方里	約十餘方里
地盤略高惟極平坦	全上	低平而肥美	白沙土	乾燥	飛沙	地盤略高而平	地勢低平深入黎區	地盤頗高而平	地勢低平盛生雜草	地盤低平盛生青草
	前清有人在此種因官 棄荒地權不清遂致拋	清末前有耕種者迭因軍 匪滋擾搶掠迄今無人過 司				此坡肥沃為各處冠				該地原係農田前因黎患 焚劫樂安城後以致無人 耕種



第一章 土地

澄邁	臨高		儋縣				儋縣			
	坡	坡	坡	地	坡	坡	坡	坡	坡	地
縣西北第二三區地方連互數十里	與澄邁交界地方及和舍附近一帶尙屬荒坡	縣北距城約四十里有火燒坡	敦教長坡兩市間之大屯坡	南華市附近之南華窪地	光村市西南之螞蝗山坡	新盈港西南岸之光村市頭坡	由大星市附近一帶東到那大市之間	南豐鎮南調南之間有官荒一段	在銀村附近有大風坡	縣東南距王五市約六十坡之銀村地
約一千方里	統計不下二百方里	約四百方里	約五百五十方里	約六方里	約四十方里	約七方里	約一千方里	約五百方里	約二百方里	約四十方里
地勢頗高	高低起伏	地勢頗高什草叢生	褐色沙土草地	沙泥土	褐色沙土	淡白色沙土	地甚平坦或斷或連	土質肥水利佳	地面濕潤雜草叢生	地盤略高頗多草木



十。計九千七百一十九方里。

## 第四節 地質

本島地質。與粵省沿海各屬。大致相同。惟火成岩最爲發育。水成岩少見。茲就岩石性質。分述如次。

### 第一項 火成岩

在本島之火成岩有兩大類。一噴出岩類。如玄武岩。橄欖玄武岩。安山岩。層灰岩。文像斑岩是。二曰侵入岩類。如花崗岩。閃長煌斑岩。石英斑岩是。

#### (一) 噴出岩

(甲) 玄武岩發見之處有三

海口附近 岩石呈黝黑色。氣孔廣集。浸蝕較深者。變爲微紅色。

文昌蓬萊市附近 石色黝黑。質堅。有氣孔。久經浸蝕。則呈球形。橢圓形。或枕狀。表面變爲紅色。或暗綠色。逐層脫落。頗爲美觀。內部則色黑質密。白色針柱狀長石。甚顯著。

瓊山甲子附近及牛屎山一帶 常見色黑孔多之玄武岩。散佈於山坡山谷間。侵蝕較深者。色微紅。亦有成層脫落之象。

(乙) 橄欖玄武岩 分佈瓊山雷虎嶺之噴岩丘及其附近。該嶺上部石色灰黑。氣孔廣集。重量頗輕。近於浮石。中部石色黑而微紅。氣孔較少。量亦加重。下部石色黝黑。密緻堅實。氣孔不多。量更加重。散佈該崗周圍者。多爲球形。



色黑。孔多岩塊。蓋火山彈也。

(丙)安山岩 該岩發見于臨高之高山嶺。色黑微紅。富有氣孔。含鐵頗多。尙有大塊鐵鑛。散布於山嶺山坡。該岩重量頗鉅。質亦甚堅。其內之斜長石。輝石。黑雲母等之斑晶。用放大鏡觀察。顯而易見。

(丁)層灰岩 此岩露頭於雷虎嶺山麓水塘之壁。色灰。內含橄欖玄武岩碎塊。暗色鑛物及灰色火山灰小粒甚多。位於密緻堅實塊狀。橄欖玄武岩之下。層面清晰。頗類水成。此爲火山灰噴落附近。被後噴者積壓其上。以成此層理也。

(戊)文像斑岩 該岩暴露於烏坡北公路旁。色灰白。質疎鬆。間有石英微粒。侵蝕甚深。故多破碎。

(二)侵入岩

(甲)花崗岩 該岩爲最古之岩層。質甚堅。色淺黃或白。其地質時代。屬泥盆紀。瓊山甲子市附近頗多發見。長石較多于石英。黑雲母甚少。該市西北牛屎山附近。爲花崗岩與噴出岩。石英岩油頁岩等互相接觸之地。花崗岩含雲母頗多。長石石英之量數。不甚懸殊。石英脈穿走花崗岩中。方向不一。厚由一公寸至二公寸。定安南閩嶺之花崗岩。黑雲母爲其普通鑛物。各鑛物之晶體及顆粒。均較小於前二者。石英岩脈少見。此外則有石墨。發見於山坡。零星散亂。不成脈狀。土人謂此山產銀。蓋指此也。紗帽嶺及灰窰之花崗岩。長石及石英量數。均略相等。黑雲母亦富。惟紗帽嶺花崗岩中石英脈之石英。結晶完全。且含金鑛。爲其他花崗岩之所無。西岸嶺花崗岩雲母較少。長石較多。長石色爲肉紅及灰白。稍有異耳。崖縣之三亞港以及其山嶺亦有發見。

就瓊山甲子市。定安金雞嶺。臨高和舍市等處觀察。噴出岩與花崗岩接觸關係。異常清晰。花崗岩多露頭於山頂山谷。噴出岩圍繞其山麓。此乃花崗岩久經侵蝕。暴露地面。火山迸發。岩流四溢。遮鋪其上。據此可知花崗岩老於噴出岩也。



(乙)閃長煌斑岩 定安烏坡市北有此岩發見。多成大塊。暴露地面。至其岩脈所在。被土壤埋沒。難以尋得。惟鄰近地域。均為花崗岩。此岩或即侵入于花崗岩者也。該岩係暗綠色。密緻堅實。風化較深。

(丙)石英斑岩 此岩露頭於定安南閩市東南八里。及崖縣之三亞港。瓊山之甲子市附近。色淺灰。斑晶多石英。該岩多成塊狀。散布地面。或深埋地下。蓋亦一岩脈侵入於花崗岩者也。

(丁)砂岩頁岩 含煤地層。以砂岩及頁岩為主。砂岩呈灰色及黃色。頁岩多灰色及黑色。層積甚薄。中有植物化石。羊齒等類為多。煤層夾於頁岩之中。為褐炭及自然炭等類。厚度不一。最厚處達三公尺以上。薄者則不及一公尺。因有花崗岩侵入。故其趨向及傾斜頗呈變亂狀態。且面積極小。其地質時代。屬石灰紀。或下二疊紀。如瓊山甲子市附近。可見其一斑。

(戊)石灰岩 可用以燒石灰。散見于黎境及西南各地。其地質時代。屬中二疊紀。

以上所述各地層生成之後。即有花崗岩升起。本島之高山峻嶺。多係花崗岩造成。河川流域。因花崗岩之崩壞而起。北部之平原。亦因花崗岩經長久時期之侵蝕所致。在此侵蝕時期中。則有火山爆發流岩覆於花崗岩之上。面積極廣。如海口市西之雷虎嶺馬鞍山等處。均為火山口岩石。如浮石凝灰岩。粗面岩等均有之。而火山之噴發。與花崗岩之侵入。隔時頗久。大約花崗之侵入為第二疊紀之末期。而火山之爆發。則在第三疊紀以後也。查火山之噴發。似僅一時期。蓋各處火山岩質均相同。且無先後形跡之故。火山停止噴發以後。地面仍繼續侵蝕。故今日河流之旁。積有砂礫。而火山岩溶解之結果。以含鐵質甚富。而成紅土。

## 第二項 水成岩

本島中之水成岩。存留既少。其生成時代。頗難推定。茲就所見錄下。



(甲)牛屎山石英岩 此岩爲塊狀。半埋半露於牛屎山西南之小盆地。(約一方里在瓊山甲子市西北八里)層次及傾角。均難測得。色褐黃。質甚堅。下與花崗岩爲變質接觸。

(乙)橋嶺雲母片岩 此岩發見于儋縣橋嶺山麓之西。小溪河床及兩岸。(灰窰東南二里許)下與花崗岩變質接觸。上與灰窰石灰岩似爲整合接觸。層傾正西。或西稍偏北。傾角八十度。層厚十餘公尺。侵蝕過甚。質酥鬆。色灰黃。那大市西北十一里之西坊。亦有此岩一層。質甚堅脆。色淺黑。亦下與花崗岩爲變質接觸。

(丙)灰窰石灰岩 儋縣那大市西北十二里灰窰村下河床及兩岸。概爲石灰岩露頭處。傾向正西。或西稍偏北。傾角由五十五度至八十度。層厚百數十公尺。因受侵入影響。重行結晶。色深灰。性極脆。石層清晰。厚約七公寸。方解石岩脈縱橫交錯。亂穿其中。臨高南豐市溪旁。亦有此岩。

(丁)牛屎山油頁岩 牛屎山西麓小溪之旁。有油頁岩層暴露。傾向正北十二度。厚三公尺。東西長七八十公尺。兩端均與花崗岩相接觸。油頁岩上有紅色頁岩一層。厚一、三公尺。油頁岩下有粘土一層。色灰。厚度未知。

(戊)白石嶺礫岩 此岩發見于瓊東椰子寨南五里之白石嶺。該山高約二百四十公尺。岩內石子爲肉紅及灰白長石。乳白石英。粉紅花崗岩塊。紫花崗質砂岩。黑雲母及暗紅鐵鑛等。粒多無稜角。大小不等而至於不可以肉眼區分者有之。大如豌豆者有之。徑達一英尺以上者有之。此蓋附近花崗岩被侵蝕破碎之後。復膠結而成。論其生成時代。當在侵入花崗岩之後也。

本島濱海之地。以海水之侵蝕而成沙灘石灘。中有石蟹(三亞最多)爲近代化石。又如崖岸有珊瑚礁。亦爲近世紀地質中之重要產品。

### 第三項 土壤



本島土壤。沖積層甚少。土壤顏色能以代表原生岩者有三。一、凡屬灰白色。參有石英粒者。知為花剛岩。二、凡屬質細色紅無石英粒者。知為噴出岩。三、若色紅而兼有大小不等之石英粒者。則知為噴出岩與花剛岩接觸之區。然所以表此特性者。原因如下。噴出岩含輝石橄欖石黑雲母角閃石磁鐵礦等礦物最多。經侵蝕分解之後。鐵分多變為氧化鐵。故現紅色。花剛岩以長石石英為主。長石變為灰白色粘土。石英變為細粒。故土色灰白參有石英小粒。至於噴出岩與花剛岩接觸之區。紅色土壤參有石英粒者。乃代表二岩之特性也。海洋沖積土壤。色淺黃。砂粒頗細。且甚均勻。勢難與前三者相混。其發育地域。則為沿海一帶。此外如河流沖積。不甚發育。竟河之兩岸間或有之。

## 第五節 地勢

### 第一項 山嶺

本島地勢。中部高而濱海低。如覆釜然。五指山兀起腹部。樂會萬甯陵水崖縣感恩昌江六屬之山。峯巒疊萃。乃其分支。瓊山定安澄邁臨高儋縣五屬南部諸嶺。蓋其餘脈也。南渡江北流。寧源水南瀉。加積溪通貫東部。昌化江蜿蜒西偏。陵水東南入海。北門新昌。朝宗洋浦。文瀾乃臨高獨水。太陽為萬寧孤河。諸江流向。成一輻射狀。五指山為其源地。就羣山趨向而論。成五大支脈。五指山為其主峯。故五指山實為海南島水系之發源。山系之主幹。本島北部。為火山發育之區。因噴出岩流關係。地勢較為平坦。間有低丘小陵。孤巒獨塚。高不過百公尺上下。長不過二三百公尺至五六千公尺。斯乃火山遺跡。遠遜侵入岩山系之雄拔也。再就各河流觀察。多成溺河。(Drowned River) 是海岸線下降之特徵。海南島之成。或由斯歟。

五指山為一大侵入體花剛岩構成。兀起中部。其支脈伸入於西北者。在定安為南牛嶺南閩嶺等。在瓊山為嚴嵩嶺海



公嶺等。在澄邁爲銀嶺雙柑嶺等。在臨高爲白石嶺南豐嶺等。在儋縣爲紗帽嶺洛基嶺等。以上諸山。皆爲侵入花崗岩構成。山勢陡峻。多穹形或帶狀。溪谷疊見。東起樂會。西迄儋縣。實爲一大侵入岩體之山系。

本島北部濱海之地。東由文昌之清瀾諸港起。西抵儋縣之新英諸港止。南北寬約三四十里至百數十里不等。爲一東西走向之火山帶。山既不高。侵蝕尤易。故平原居多。就岩石之侵蝕程度而論。該地火山暴發。至少須有兩次。因熄滅較久之火山岩石。已經大半變爲紅色土壤。且其火山遺跡。模糊不清。至於熄滅未久之火山。岩石新鮮。遺痕宛在。

該火山發育之區。由瓊山城至潭口溪仔口。以至文昌之蓬萊。定安之黃竹。由雷公井至文昌城。由秀英至豐盈澄邁臨高儋縣。以上之低岡矮丘。高出海面五十至百餘公尺。輾轉起伏。不成行列。均屬環形重環形及連環形。直徑由百餘公尺至數華里。間有扁圓形。缺口一方。成一長溝。種種形狀。地面凸凹不平。此乃火山口及火山裂縫之殘形。又火山區之形狀。有如傘者。中心爲一平頂小山。山麓向四週緩緩傾斜。由五度至十餘度不等。如定安城東之舊州嶺。面積達二千數百方華里。臨高城西之高山嶺。面積達三千數百方華里。而臨高之多文嶺。文昌之青山嶺邁豆嶺。皆其例也。高山嶺高約百數十公尺。山有三峯。北峯高峻。南峯平突。中峯有一湖。徑約三十公尺。水深二公尺。此乃火山口蓄水成湖。實無疑義。又瓊山永興市西南八里雷虎嶺。亦爲一噴岩丘。高約一百二三十公尺。口徑約百數十公尺。口深約七十餘公尺。內壁陡峻。爲火山滓構成。向四週流溢之層次。顯而易見。微缺口於北。山陂傾斜。約三四十度。山麓之火山灰。已壓有層理。火山彈散布鄰近二三十里者。侵蝕尙淺。石多土少。永興市東北八里。新火山岩之下。有紅色土層極厚。此乃舊火山岩之風化物。在雷虎嶺西北之馬鞍山。其噴岩構造。與雷虎嶺相同。惟數里之內。噴口數起。稍有異耳。此其地形之大較也。

本島山脈。從甸漏山迤南經七星嶺。貫雷州半島。渡海而來。主峯爲五指山。隆起中央。其支脈綿布各縣。茲分述如次。



(一)屬瓊山境者 本縣地勢平坦。極少山嶺。惟縣西第七區之馬鞍山。第十區之龍發嶺。十五區之舊州嶺。十六區之雙文嶺。十八區之沙港嶺。十九區之新興嶺。較著。諸嶺之中。尤以新興馬鞍為高。



(二)屬文昌境者 本縣位於島之東北隅。遠離五指山。故屬內無黎人。地殊平坦。惟西北沿海岸一帶。有七星嶺。大嶺。狗卵嶺。抱虎嶺。東南海邊有銅鼓嶺。雲梯嶺。西南方面與瓊東之交。有九架嶺。與定安之交。有金鷄嶺。中部有青山嶺。其中以銅鼓嶺雄峻插天。西則疊石飛泉。東則懸岩臨海。其次為七星嶺。大小聯屬十餘峯。數十里外視之。祇見七峯排列。朗映青霄。故名。

(三)屬澄邁境者 本縣山嶺多在南部。其中又被新安江割開為東西二排。江西諸山。由邦嶺起。一脈沿澄臨之交。往西北行。為登松嶺。通黎嶺。長嶺。一脈向東北沿江而行。為六容。石教。溫堀。雙柑諸嶺。此二脈連綿數十里。如半圓形。并有進

水。橫嶺。白石。三足諸嶺。羅布於中興岑崙二團區。江東諸山。南北縱連者。則有苦蕒嶺。四頂嶺。南芳嶺。育才嶺。青嶺。牛牯嶺。東西橫貫者。則有牛眼周嶺。羊嶺。銀嶺。均為瓊澄天然分界。此外則有雷公嘴嶺。東嶺。夫石嶺。加味嶺。孟蓋嶺。西平坦山。羅國嶺。山頭嶺。南蛇嶺。或連或斷。或高或低。蜿蜒於加樂。坡尾。昌西。海軍。石浮等團區。至於北部。則有安仁團之神仁嶺。白蓮團之大勝嶺。大峯團之國社嶺。福山團之羊嶺。峙立其間。諸嶺之中。以





白石嶺爲最高。約一千尺。其餘則自三四十尺至二百餘尺不等。

(四)屬定安境者 本縣山脈分兩支。皆遠宗於大五指山。迤邐北降。有鐵砧嶺。毛立尖。鶯歌鈎嶺。向西折東斜行。有黎母山。東坡嶺。琮凱嶺。馬嶺。南閩嶺。雙灶嶺。黃竹嶺。黃嶺。龍門嶺。金鼓嶺。三嶺。金鷄嶺。此爲由五指山來定安縣城之正支。再由鶯歌鈎嶺向南趨東北。有白塋嶺。思河嶺。筆架嶺。光螺嶺。石峽嶺。九曲嶺。南繞嶺。南拋嶺。加毛嶺。牛血嶺。舊地嶺。南逢嶺。紗帽嶺。打鐵嶺。南牛嶺。豪豬嶺。官峒嶺。白旗嶺。木谷嶺。五丈嶺。嶺腰嶺。坡塘嶺。嶺口嶺。雲欽嶺。尖峯嶺。文筆峯。烏蓋嶺。淡嶺。高嶺。牛像嶺。圓勢嶺。掛榜嶺。琴嶺。香烟嶺。祈雨嶺。青山嶺。文床嶺。此爲各嶺之別支。諸嶺之中。以東坡嶺綿亘拾里許。思河嶺雄峻峭立。雖不及東坡嶺之高廣。而險要則過之。黎人每恃以爲險。此二嶺皆在黎境中。而南閩龍門金鼓嶺口等嶺。均位於縣城之東西南三方面。距離縣城。由六十里至二百七八十里不等。高約百數十丈。層巒疊嶂。環抱如拱。至文筆峯。金鷄嶺。離城僅三四十里。高約二百丈。此爲附郭之峯巒。奇秀獨異。

(五)屬瓊東境者 本縣東臨大海。西接定安。其山勢由西趨東。西南部則有皋陶嶺。加市嶺。租嶺。加述嶺。累功嶺。東部則有深美嶺。加嶺。馬嶺。淡嶺。多異嶺。石碰嶺。土來嶺。懷魯嶺。仙趾嶺。北部則有雙眼嶺。梅嶺。紫東嶺。南堀嶺。官回嶺。中部則有白嶺鶴。諸嶺之中。以馬嶺爲高。

(六)屬樂會境者 本縣地勢東西長而南北狹。西部接近腹地而高。東部濱海而低。山脈之趨勢。亦由西迤東。宗五指山而起者。爲縱橫嶺。高插雲霄。橫互甚廣。黎人所居。由此迤向東南。則有雙髻嶺。兩峯插天。如雙髻然。轉折東北行。約二十里。則有龍巖嶺。巔有石池。旁有巖洞。號曰通天洞。曲折向東。爲山心。油蔴。風門。三道。西岸諸嶺。蜿蜒縣之中部。縱互南北。西岸三道則偏北。風門則偏南。位於萬樂之交。爲黎人出入咽喉之地。再向東行。則有石龍。石門。白石諸嶺。均在縣治之西。約距四十里。白石嶺頂有巨石。色蒼白。形狀各異。東如伏虎。西如蹲犀。南如



筆架。北如竹筍。上有田數畝。可耕種。中有巖峒。極幽邃。可容數十人。近縣治十餘里西。有探花嶺。東南有金牛嶺。西北有北偏嶺。三面拱繞。其餘坡陵而已。

(七)屬萬寧境者 本縣山脈。由西趨東。西部黎境。山深林密。北部山岳較多。中南方則甚平坦。為一大農區。黎境分爲三峒。北峒有烏雅。荔枝。天馬。深井。朝茲諸嶺。西峒有牛蹄。圓灣。分界。南萬。王姆。牛姆諸嶺。大平峒則深入腹地。有春風。鵝鳩。南勞諸嶺。層巒疊嶂。連綿其間。縣北自六連嶺向東北行。則有北冲嶺。軍僚嶺。鯉跳嶺。加堯嶺。合嶺。以至海濱之大格嶺。(三姑嶺)蜿蜒數十里。萬樂之交。海邊則有金牛嶺。腹地則有風門。黃崗諸嶺。迴繞其間。近黎界處。則有石頭芋嶺。九峯嶺。鷄姆寮。橫嶺。南北縱貫。附近縣城。則有東山銅鼓二嶺。縣南則有馮家嶺。上來嶺。直互萬陵交界處。新潭牛標兩嶺。則在海邊。黎境山嶺最高。雄峻聳天。北部之六連。金牛。亦不下三千尺。

(八)屬陵水境者 本縣地勢。西北高而東南低。其山脈之趨向。由大五指山而小五指山。分爲二支。一南趨崖縣。一東趨陵水。入縣境後。復分二小支。一沿萬陵之交。向東南行。爲分界。南招。台敖。南春。多珠。紅鐵。九曲諸嶺。又由九曲沿海邊折西南行。則有大銅嶺。大牛嶺。虎嶺。至新村港則有筆架嶺。新村嶺。此支拱抱縣之北部。及沿海一帶。宛如曲尺。一則散布西南方面。其廖二挖眼諸嶺。蜿蜒於黎境之廖二團。自芬多艾九所諸嶺。則斜貫南部。獨秀峯則接近縣治。本縣山嶺。雄峻者多在海邊。西部黎峒多爲平原。比諸各縣大不相同。

(九)屬臨高境者 本縣位于大五指山之北。相距約數百里。山勢漸趨平坦。除南豐和舍一帶。略有千尺之高山外。其餘愈北愈平。三百尺以上之山嶺亦不多見。茲分北中南三部言之。(1)北部。自海岸至多文。有龍嶺。峨香嶺。峴耶山。(一名高山嶺)坡山嶺。落雲嶺。多文嶺。秋陽嶺。山神嶺。距縣城自十里至六十里不等。環抱如拱。北部諸嶺。以多文秋陽爲最高。約三百尺。其餘約百尺。(2)中部。自加來至和舍。在加來市東。有鷄鳴嶺。北與多文嶺相接。



南與和舍諸山相連。蜿蜒二十餘里。爲臨高東南高原之脊骨。和海公路。縱貫其上。在加來市西。有博文嶺。北接峴耶山。南連儋屬之洛基山脈。蜿蜒數十里。爲臨高西路高原之脊柱。在和舍市東北。有大寒嶺。勢甚雄偉。南接美朗嶺。東連馬鞍嶺。爲澄臨之交。在和舍市西南。有波藏嶺。東北延展十數里。此外尙有博倫堂。耀龍。美略。光頭。龍嶺。南秀諸嶺。散布於加來和舍之間。諸嶺之中。以大寒爲最高。約八百尺。次爲波藏。約四百尺。其餘均在三百尺以下。

(3) 南部。自和祥至南豐。山嶺比中北兩部較爲雄偉。蜿蜒數十里。七八百尺之高山。所在皆有。如和祥市東之大王嶺。南之南籠。馬鞍。第一諸嶺。西之南坡嶺。(一名雲嶺)西南之牛嶺。南豐市東北之插花嶺。皆其最著者也。其中尤以插花牛嶺爲高。此外如尖嶺。美萬。溪頭。降班。烏嶺。南豐。水井諸嶺。或散或連。但其高度均在五百尺以下。

(十) 屬儋縣境者 本縣地勢。西北面瀕海而低。東南隅深入腹地而高。其山脈由東南迤降西北。高山峻嶺。多在東南黎區。如沙帽嶺。文憑嶺。橋嶺。鞋嶺。馬嶺。南山嶺。橫嶺。或連或斷。或起或伏。迴繞其間。此外近昌江方面。有馬鈴。靈仙。狗頭諸嶺。接臨高方面。有四方山。抱舍。洛基。黑嶺。烏槍。陳洞。大嶺。番狗。烏翔。蓮花諸嶺。沿海方面。有螞蝗山。松林。峨蔓。煎茶。抱羅諸嶺。至於中部。亦有無數小嶺散布其間。諸嶺之中。以紗帽爲最高。約四千尺。次爲峨蔓。松林。約一千尺。餘皆在七八百尺以下。

(十一) 屬崖縣境者 本縣山脈。遠宗於大五指山。迤延至小五指山。分爲二大支。一東趨陵水。一南趨崖境。復分爲二小支。一支東南行。又分爲數小脈。(1) 趨迴風嶺繞至榆林東岸。(2) 趨半嶺諸山。南行至榆林三亞間之鹿迴頭嶺而至於海。(3) 南行經過嶺諸山。由小馬嶺而至於海。(4) 南行經縣南之南山而至於海。其他一支。向西南行。經多港抱懷諸山至龍棲嶺。而至於海。因此數山脈之分支。遂將沿海一帶。劃爲數區。而黎峒各地。並因山岳複雜。遂各自爲風氣。今分爲東西北三部。舉其大者述之。東部距縣城最近者爲南山。次爲溝營嶺。再次爲下馬嶺。惟虎頭小橋兩嶺。則遠在縣之東北隅。近海邊一帶。則有三亞港南岸之鹿迴頭嶺。東北之落筆洞。豪霸嶺。及榆林港西之獨田嶺焉。諸嶺



之中。以南山爲較高。約在千尺以上。西部山嶺較少。惟近海處有一龍棲山。爲中區與西區之交界。過此則四區之大嶺。龍蝦嶺。勞憊嶺。鸚鵡嶺。五區之金鷄嶺。均不甚著。惟大獨小獨。形如馬鞍。高出衆山。北部山峯較多。最近縣城者。爲遷拖嶺。郎勇嶺。稍遠則有馬鞍山。筆架山。郎蠻嶺。高度均在七八百尺之間。惟距城四十里之洋淋嶺。高約二千餘尺。縣城所望見者。以此山爲最高。

(十一)屬昌江境者 本縣山脈。遠宗五指。透迤西降。其斜趨西北者。有石礫。九峯。筆架。落膊。老護諸山嶺。橫亙中部者。有峨娘。峻靈王。小豸。銀山。大陳諸山。散布西南者。有三紫嶺。峨鳩山。馬嶺諸山。以峨鳩九峯爲高。盤旋百餘里。九峯屏疊。如天馬行空。勢極雄偉。皆在黎境中。本縣雖高山迭起。而勢極開拓。仍不失平原之態。

(十二)屬感恩境者 本縣山脈。遠宗五指。透迤南降。南北兩面。頗爲平坦。東部屬黎境。地勢險峻。東北有鵝溝嶺。馬嶺。落纓嶺。羅望嶺。中部有大雅嶺。極東則有樛峒王峒諸山。境內地多積沙。如沙漠者。數數見焉。


## 第二項 河流

本島江河。皆發源於五指山。末流則皆入於海。最大者爲南渡江。次爲萬泉河。再次則爲龍滾河。太陽河。陵水溪。北門江。新昌江。金仙河。文瀾水。寧遠河。昌江河。文昌江。平昌江。望樓河。安仁江。珠江。三亞水。籐橋水。感江。此皆直流入海者也。茲將各河及其沿岸情形。分述於左。其小江支流。姑不具錄。

(一)南渡江 南渡爲海南唯一之大江。發源於五指山。水流經黎母山。入臨







水暢而大。載積二百担之帆船可以行駛。在澄邁境。其船較小。約可載四十担左右。由此而上至臨高境。則僅有獨木舟往來其間焉。

(一)安仁溪 安仁溪。在文昌縣北。有二源。一由馬家坡向西北行。一由胡山向北行。中途合流。由鋪前港入海。全江約長數十里。上游水淺而多沙。下游水深而多坭。載積三四十担之小船。可由鋪前港通行錦山溪尾等市。

(二)文昌江 文昌江。俗稱霞洞溪。發源地有三。均在文昌縣境。一由西區之蓬萊。一由太平橋。一經后坡壩。均流至文昌城會合。名曰文昌江。向東南行。由清瀾港入海。此三支流各長數十里。均沙底。不通舟楫。可航行者。祇由文昌城至清瀾港之一段。約四十里。此段江面。寬由六十尺至百餘尺。河床土質。沙坭混合。水之深淺。一視潮水之漲



落。潮漲時深十餘尺至二十餘尺。可通十萬餘斤之帆船。現此種帆船行駛其間者。計有十餘艘。將來清瀾築港。此江須同時挖深。俾十餘萬斤之帆船或汽船得自由出入。以期與公路互濟。蓋陸路比水路為遠。汽車載重有限。而挖深河道。其工程祇四十里。於促進清瀾港之繁榮。所關甚大也。

(四)平昌江 平昌江。發源於文昌蛟塘圍境內。經大路抱芳文教等市。十餘里與龍渡江合流。由清瀾港入海。全江約長一百里。寬約三四丈。沙底。惟由文教至清瀾二十里可通航。平時潮漲水深約六七尺。潮退深二三尺。霖雨漲潮。水可平岸。若遇亢旱潮落。則深不及膝。

(五)萬泉河 萬泉河。有二源。均在定安縣境。一源發五指山東。由喃嘮峒出思河嶺。匯諸黎峒水。至樂會峻口。一源發雙頂嶺。出光螺大葵諸嶺。過雷公灘。會峻口水向東南行。經船埠市。至石壁市。此段河流。定人稱為石壁江。由石壁經樂會之龍江椰子寨。過文曲。會馬口溪。直至嘉積。納瓊東之發嶺龍角沐皇諸溪水。名嘉積溪。由嘉積折東南行。至樂會縣西。分南北二支。一繞縣北。名萬泉河。一繞縣南。名流馬河。亦名南門河。至縣東北雷撲山下復合流。並與龍滾河會合。直出博鰲港入海。全河迴繞樂瓊定三縣。約長四百餘里。其經過地域。純係花崗岩。由博鰲至船埠。約二百餘里。可通舟楫。現有載重三千餘斤之小帆船百餘艘往來其間。河床。全部沙質。河水深淺不一。自樂會縣城以上。深處丈餘。淺處尺許。河身寬處百餘尺。窄處十餘尺。積雨水漲。輒三四丈。淹沒田廬。經月不雨。則河床暴露。小艇須手挽乃行。

(六)龍滾河 龍滾河。發源於黎區烏雅嶺。流出六連嶺後向東行。經萬寧縣。





北之籐寨端熙龍滾等市。至金牛嶺下。合樂會之嘉濂小河。仍東行至南港村。與萬泉河會合。直入博鰲港。河之中流。蜿蜒萬屬第四區境內。上下游爲萬樂二縣天然界線。全河長約七十里。河身寬處約六丈。狹處約三丈。水深由二三尺至二十餘尺不等。河床上流多沙。下流多泥。在雨期中。則河水泛濫。遇天候亢旱。則其淺處幾乎絕流。由籐寨至南港。約三十餘里。平時可通行二三十担之木船。其七八百担之帆船。亦可由博鰲港乘潮駛至龍滾。又龍滾嘉積間之水運。全賴此河。船舶來往。隔日一次。早到晚行。兩地皆然。誠萬寧與嘉積交通之要津也。

(七) 太陽河 太陽河又名踢容河。發源於萬寧縣西之黎區西峒南萬嶺。向東南流。轉折東北。經興隆市。過番鳳普禮水口石塘等村。合石龜河流至縣城西南十里。分爲二支。一從銅鼓嶺下。經城南七里。曰大溪水。一名南渡溪。又名三曲水。東流合金仙河。由周村港至港北港入海。一經小南山河東流。亦由港北港入海。全河計長百餘里。河身寬約十丈。水深約一丈。多雨時水漲沒岸。泛流入海。亢旱時僅深三數尺。河床多沙質。間有坭質。自興隆市至港北港約八十里。可通舟楫。現有載重二十担之小船。約三十艘。行駛其間。

(八) 金仙河 金仙河發源於萬寧之黎山。流至萬寧縣城西北十里坡塘溪分支爲四。一經城北三里曰金仙河。繞城由東山行。一經城北十里曰石狗溪。溪旁有石形如狗。並有高邱。登之可望山海。一經城北二十里曰白石溪。一經城北三十里曰蓮塘。又名小渡港。均東流入周村港。至港北港入海。共長一百餘里。河寬由二丈至十丈不等。水深由三尺至七尺。可通小船。水潦至則泛溢。亢旱則涓涓欲絕。

(九) 陵水溪 陵水溪發源於五指山。向東南行。經石峒棧合口。沿途會諸支流。過陵水縣治。至水口港入海。全河計長一百八十里。





由水口港通航達石峒棧。僅一百三十里。河身約寬十丈。水深由四尺至七尺不等。現通行小船舢板約二三十艘。雨時水深丈餘。旱時褻裳可涉。河床俱沙質。入冬遊沙移動。深淺無準。

(十) 藤橋水 藤橋分東西二水。東水。由陵水某代弓石岩嶺。西流入崖縣境。從大本昂貢二弓之山夾流行。西經某屏弓。與由翻砂嶺蓬嶺之小水會。南至藥峒。穿山谷。經大肚供內牟密陽大贊坡等村。至白虎嶺。繞藤橋市東南與西水合。西水發源於崖縣東北。流至爹嶺。分爲東北二流。東流又分爲二。一出只讓弓。南經打密潭。一從嶺西入羅葵峒大嶺。北流至南林峒。逾石母河與東流會合。是爲三汶河。曲折向東南。經長枕龍樓二嶺。直至藤橋市。與東水合流。由藤橋港入海。東西二水。各長約五六十里。

(十一) 三亞水 三亞水。由崖縣東北長嶺流至抱冲力礁。與抱寨之虎嶺小水及抱豪鏡校諸嶺峽水相會。向南行至落牛潭。與羅葵大嶺之小水相合。折東流。經打啤地嶺下。納檳榔園之椰根水。南流至三亞市。合大坡臨川二水。由三亞港入海。長約一百里。不通航。

(十二) 寧遠河 寧遠河又名大河。發源五指山。由陵水雅康黎村大嶺西流。過南解略克入崖縣境。經抱龍黎村夾水。歷嘉岸大龍陀筆抱浩至溝口。與北來一支小水會合。南流至縣城東北。東流經北廂折而西。抱城南。分爲兩流。至保平港入海。全河約長二百里。水漲時小船可達縣南門外。自此以上。祇有木排竹排。由黎村輸運穀米竹木而已。

(十三) 望樓河 望樓河發源於崖縣西北之大抱扛嶺。東流經小抱扛嶺。至合水與抱蓋抱改二山水會。東南迴環。經樂平汎地多澗。與多港水相會。折西南流。至長槐與抱懷村之只峨嶺大浩嶺覃寨嶺諸水相會。向西行。經抱拿辰聳溪入嚮水潭。又西南行。出油甘坡落馬潭與小水會。經竹溪冲坡烏山樂羅望樓至榕村港入海。河面寬大。爲崖縣諸水之冠。近望樓渡河處。寬達八九百尺。平時不通舟楫。雨期潮漲。小船可通至望樓以上。

(十四) 感江 感江又名感恩水。發源於小黎母山。由東趨西。至感恩縣城入海。感恩最大江也。而北溝中溝南溝諸



水次之。該江雖內通大山。外達大海。惟水甚淺不能行舟。遇雨則深丈餘。天晴則淺不盈尺。

(十五)昌江 昌江又名昌化江。發源於五指山。會古振州水。由昌江縣東南入境。曲折西北流。經老楊地嶺村。至舊縣村。分爲二支。均向西流。由英潮港入海。全江計長三百餘里。江面寬約六里。水深約二尺。一雨暴漲丈餘。稍旱即水落沙出。河床全爲沙質。平時可通航者。惟由海至蛋場約五里。在七八月間潮水漲大。航行水程雖比平時較遠。然皆小漁船耳。

(十六)珠江 珠江又名芙蓉江。發源於昌江之鵝鵝落膊等嶺。經珠墟海頭新市。由海頭港入海。全河計長二百里。入港最寬處約半里其他各處約十餘丈。下游潮漲時。水深三四尺。可通航者約八里。

(十七)新昌江 新昌江發源於儋縣南之草鞋落膊等嶺。向北行。經和盛王五敦敦。由新英港入海。全江長二百餘里。入港最寬處約二里。其他各處約十餘丈。下游潮漲時。水深由二三尺至十尺不等。可通航者約七八里。

(十八)北門江 北門江又名倫江。發源於儋縣那大市附近之蓮花嶺及紗帽嶺。經那大長坡舊城。由新英港入海。全江長約二百里。入港最寬處約三里。其他各處。由十五丈至二百丈。上游多石。生游多沙。潮漲時下游深十餘尺。其他各處深二三尺。可通航者十餘里。其中以帆船爲多。漁船次之。多雨則汪洋一片。亢旱則褰裳可渡。河流所經。在長坡市之南爲侵入岩。北爲噴出岩。

(十九)文瀾水 文瀾水發源於臨高之大王嶺。向北行。經和祥之東約七里。折向西北。至和舍西南十里。與北山(一名雲嶺)流來之小水相會。仍向西北行。至加來西南四十里。與儋屬之和慶水相合。折向東北。經美台之西。過臨高縣城。由西門而南而東。歷百級灘至博鋪港入海。全河長約二百里。河面甚寬。雨潦則急流衝岸。久旱則涓涓欲絕。河床多沙質。亦多灘石。所經地域。除源地附近爲侵入岩外。餘爲噴出岩及沖積地。不通舟楫。

(附溫泉)



(一)澄邁縣南之東青嶺下有溫泉一所。從嶺壑中流出。其水熱可熟鷄子。嗅之有硫黃氣。

(二)文昌縣城南三十五里有溫泉一所。又名鹽水池。周百餘步。冬夏常溫。水漬草上。晒之成鹽流。經長岐港入海。

(三)樂會溫泉有二。一在縣城西三十里上北偏鄉。泉如沸湯。可淪牲。一在縣西五十里白石鄉。

(四)萬寧縣城西四十里許。有溫泉一所。平地泉湧如沸。

(五)崖縣溫泉有二。一在縣城北五里遷拖嶺下。明正德間斃石成池。清光緒十五年。知州唐鏡沅重修。建亭其上。顏曰已濟亭。有碑記。池一方一圓。方者後分爲二。一溫一涼。圓池爲泉出處也。查考古輯要。云泉東卽舊時振州。有石城遺址。第今未之見。一在迴風嶺東山脚塘荒田中央。池大約二三方丈。距藤橋二十五里。此泉。以前府縣志皆未載。崖州志又云。迴風嶺喜思泉。下有二泉。溫熱異時。考古輯要云。有李德裕詩。明張習詩。則崖縣溫泉有三處矣。然過迴風嶺。遍訪行人。無有知者。

(六)感恩溫泉有二。一在縣城東十一里。池方廣三丈餘。水分二派。一溫一冷。一在縣城北七十里。其東有石城遺址。名揚文廣壩。今爲黎人村落。考古輯要所載古振州石城。疑卽指此。蓋誤以感事麗崖也。相傳患瘋瘴疾者。浴之多驗。

(七)臨高縣蘭洋東北之沙田村。有溫泉一所。泉自石壁湧出。微烟飄散。水泡起伏。若將沸然。


## 第三項 平原

本島沿海之地。多屬平原。廣大之農田在焉。腹地山嶺起伏。地盤較高。而山與山之間。亦不少坦坡曠野。如上述之耕地荒坡皆是。綜全島面積計之。約占百分之四十。計三萬八千八百七十九方里強。




第四項 港灣

海南屹立大海之中。四面汪洋。海岸線之延長。不下二千餘里。環岸港灣甚多。其中天然最良者。厥惟榆林清瀾馬



鼻三港。一在南部。一在東部。一在北部。次則西部之新英。亦為有望之港灣。海口原無足取。然以其地扼雷瓊海峽。據南渡江之下游。於交通形勢之關繫。自昔設鎮關市。已成政治經濟軍事重要之區。其港灣雖不良。尚克保其相當位置。再次則三亞藤橋二港。皆在南部。若榆林關作軍港。到南部商港。尤非此莫屬。三亞藤橋。均與榆林相距不遠。近港地區。物產豐富。此外港灣。如鋪前。潭門。博鰲。港北。新村。保平。鶯哥海。墩頭。英潮。新盈。紅牌。龍嶼。博鋪。海頭。東水。花場。玉泡等。僅可為補助港。要無重大價值也。又琼山之沙上。神應。東營。新喜。烈樓等港。文昌之木蘭


港。琼東之沙筆。林桐二港。萬寧之東澳。烏場二港。陵水之黎安。水口。坡頭各港。崖縣之鶯哥海。鉄爐。望樓。牙瑯。豐塘。海棠頭諸港。感恩之八所。鹽丁。縣門。板橋。雙溝。白沙等港。昌江之海尾港。儋縣之頓積港。臨高之黃龍。青龍。調樓。抱吳。佳才。博松。博泊。美夏。烏石。得祿諸港。或地位僻





左。或流沙淤積。不過爲漁鹽業上寄頓棲息之所而已。茲將各重要港灣情狀分述如次。

(一)海口港 海口港在本島北部。距瓊山城七里。南渡江由此入海。港內沙灘四布。水淺而路窄。大小輪船。均不能駛入。須停泊於二英里外之海心。客貨起落。全用帆船轉駁。帆船達岸時間。潮漲而遇順風。約需二小時。若逆風潮退。則常至五六小時。風浪作時。輪船不能下梯。旅客須用繩索吊下。風浪稍大。則貨物不能裝卸。交通至爲不便。海口以如此劣港。而能爲現時海南商業之中心者。徒以接近雷州半島。便於大陸之交通。並曾經開爲通商口岸。又在東北部人口繁盛地區。故能維持其地位而不衰落。然自咸豐八年開關商埠以來。於商務上迄無急激進步者。實因港灣不良。又不施以人工建築以爲補救。海南天府之區。而乃以一此劣港爲其吐納之咽喉。此足爲吾國政府不知重視海南之徵。輓




近倡築港之議者不乏其人。然皆因政府不負其責。費用無着。事格不行。近南區善後公署。聘荷蘭治港公司工程師。勘查海口。實地測驗。閱四十餘日。作成計畫書預算書甚詳。以經費擬由出入口貨物附加徵收。事涉外人商務。而總稅務署工程處遂利用審查之權。從事挑剔未嘗覆勘。但取紙上計畫。隨意批評。其志在避免附加征收。以累月慘澹經營之功。竟爲輕輕破棄。論者或謂海口地處偏僻。有木蘭頭急水門之險。載重五千六噸之船。卽不能近。將來清瀾開港。貨物必爲所吸。勢當頹廢。改良港口。非其所要。其實不然。蓋海口與對岸雷州半島之徐聞。相隔僅八十餘里。與大陸高雷廉諸地交通。此爲最便。又當南渡江口。於內部貨物運輸。亦有其自然之利。而香港海防間一二千噸之輪船。必由海峽經過。順途碇泊。非有所難。加之通商口岸。外貨之所集散。關市已久。既成商業中心。縱一旦海運形勢遷移。亦必能保其北部之相地位。此無可疑者也。(參觀附





(一) 鋪前港 鋪前港在文昌之西北隅。與琼山交界處。安仁溪由此入海。港門向西。寬約五六里。文昌之鋪前市在其東岸。琼山之港北村在其西岸。東岸水較深。西岸水較淺。深處約二三十尺。淺處約五六尺。二三千担之帆船可駛入。然貨物起落。仍須駁載。昔時航業頗盛。近則漸趨於清瀾。現僅有二三艘約一千餘担之帆船。往來於暹羅安南江門澳門。及陵水各處並有電船航行海口。約二小時可達。

(二) 清瀾港 清瀾位文昌縣治之東南隅。港向東南。前臨大海。港門寬約一里。港身長約十五里。港內窄處約一里半。寬處約四里。水深處三十尺。淺處十八尺。可容千噸以上之輪船十餘艘。較小之輪船數十艘。惟港口積有一二里寬之珊瑚礁。礁面水深九尺至十二尺。非從事開濬。則五百噸以上之輪船不能駛入。此種礁質甚鬆。工程不甚困難。至於交通。極稱便利。內河則有平昌江由東北注入。小船可通文教市。文昌江由西北注入。小船可通文昌縣城。海洋方面。現時則有大帆船數十艘往來於本島各埠。以及香港澳門江門北海安南新架坡暹羅等處。陸路方面。則北至海口。南至嘉積。均有車路互相連絡。吸收力頗偉大。且本港當東亞與歐洲及南洋航線之旁。經過輪





船。不必渡木蘭頭急水門之險。順途寄泊。其勢甚便。往往有停泊港外運取淡水之事。如開作商埠。必能為本島東北部經濟上之中心。民國初。有文昌華僑林天嶷黃有淵陳昌連等。組織清瀾商埠有限公司。於元年七月立案。十月開辦。其營業種類。為鑿濬本港航道。購備輪船行駛。填築本港基堤。建築貨倉房屋市場。以開商埠而收息租。資本總額一百萬元。已收十二萬八千元。完成工程。為築填基岸。高八英尺。縱長七百英尺。橫廣六百英尺。造竣鐵車貨倉二間。縱長七十英尺。橫寬四十九英尺。並購買小輪船一艘。挖港輪船一艘。此外工程尙未着手。而歐戰忽起。南洋各地樹膠價格頓落。已認之股不能續收。公司因而停辦。所餘鉄料。並變賣償債矣。


(四)潭門港 潭門港舊名調懶港。在瓊東縣城東三十里。位在沙涌竹山兩溪入海處。港門甚闊。極目汪洋。一望無涯。潭門市在焉。自遭共匪焚劫後。已成焦土。潮長堪泊船。潮退則為淺沙。竈戶常假其地為煮鹽之所。每年二三月間。有一千担左右之帆船。由南洋各埠回港。

(五)博鰲港 博鰲港在樂會縣治東南約三十里。萬泉龍滾兩河由此入海。港門向東。前臨大海。港寬約三十丈。港口時因流沙而變更。船隻極難出入。非深諳本港情形者不易駕駛。通航線有三。一南洋。二海口。三藤橋三亞。均帆船。每逢春季。一二千担之船約三百艘往來其間。過春後。則僅七八百担之船十餘艘在港而已。北岸有碼頭一段。小帆船皆依之。

(六)港北港 港北港在萬寧縣城之東北約四十里。距和樂市六里。太陽溪金仙河由此入海。港向東北。有一小嶺分港為南北二門。港身寬大。俗稱為小海。港門二土股。皆流沙。改變無常。有時展開甚大。有時小至尺餘。港內沙泥淤積。深度亦無一定。由三月至八月之間。文樂陵崖江澳各埠。一二千担之帆船時有往來。貨物出入。均在白沙坡起卸。海產甚富。為萬寧屬內重要港口。







繁富地區。前有鉄爐港。後有崖屬十二村。左接陵水。右近三亞。即現在之藤橋市。已爲崖屬最大市場。如能築港改良。前途殊有希望。

(九) 榆林港 榆林位鐵爐三亞兩港之間。距崖縣治一百二十里。與安南之陀林灣遙遙相對。水程約三百里。爲我國與南洋羣島交通必經要道。港分內外二段。外港向南。兩岸皆三數百尺之山。相距約三英里有半。水深三丈至九丈不等。可泊萬噸以上之輪船。惟港口寬敞。築港經費。預計必極浩大。內港口亦南向。港身則偏於東。口門左有樂道嶺。右有獨田


(七) 新村港 新村港在陵水縣城之南約三十里。陸路距藤橋港九十里。港口寬三丈餘。港內周圍約二里。水深由七尺至二十餘尺。一千担左右之帆船可以出入。但人貨起落。必須小艇駁載。港內適於避風。多產魚鹽。清瀾博鰲江澳等處之帆船。時集於此。

(八) 藤橋港 藤橋港在崖縣最東。與陵水交界。港口廣大。港內窄小。寬約數十丈。潮落時。巨船不能進口。有牛琪洲島峙立港口。港西山脉折向南方。如由西邊海岸築一長堤與島接連。則堤島與港口之間。成一良好外港。數千噸之輪船。不難安全停泊。本港附近。多屬物產





橋林  
港田




嶺。兩相對峙。相距約三百丈。港內峯巒環繞。海岸平鋪。雖遇風濤。亦無危險。惟港口附近兩旁。暗礁成帶。互相插抱。且此處較窄。水深約三丈。寬僅六七丈。航行者必以對面山腰石標為識。稍偏不克入口。但此類礁石。為貝殼及珊瑚結成。質地鬆脆。開鑿極易。目前情形。二千噸左右之輪船可以自由出入。港內東西長約二十里。南北寬約五里。水深處三丈五尺。淺處一丈數尺至二丈不等。可停泊千噸以上之輪船十餘艘。較小之船數十艘。稍事疏濬。便成良港。港岸地多平坦。東經鹽田小橋大茅各村達迴風嶺。約四五十里。零星村落三十餘處。西岸穿山行六里。即達三亞港。冬春附港漁業頗旺。鹽田逐年增加。東北平坦處幾無隙地。港中附近水質清潔。往來船隻飲料。不虞缺乏。夏季往來南洋船舶。多寄泊此港。購買食物。吸取清水。

(十)三亞港


三亞在崖縣城東一百二十里。西距保平港一百里。東與榆林港隔

一山。僅六里。三亞大坡臨川三水。由此入海。港為一大灣。西向。東西長數百丈。南北廣二百丈。深處約丈餘。千餘担之帆船可以出入。港外暗礁甚多。僅有一路可通。港內流沙淤塞。潮退時水深僅二三尺。港岸有鹿回頭嶺。其西有二沙洲。一曰東洲。一曰西洲。二洲之間。寬處十餘丈。窄處二三丈。平時有小船通崖縣城。夜間開行。翌晨可達。各鹽公司所僱運鹽輪船。僅能停泊於口門鹿回頭嶺左岸。距市凡一英里。人貨起落。須賴駁運。其泊船地點。雖較海口港為近。然遭遇風浪。即難裝卸。其困尤甚。本港因秋冬漁產甚旺。且為產鹽豐富之區。

三亞







內港長細。又適於避風。故各埠之漁船鹽船。恆以時來集。如欲期此港發達。須自鹿回頭嶺尖端。向西北方築一弓形長大海堤。然後碇泊可以安全。起落無虞阻滯。

(十一)保平港 保平港在崖縣城西南八里。距三亞港約百里。位寧遠河入海處。水甚淺。民船乘潮出入。潮漲時船可通至縣城南門外半里。因寧遠河中流沿岸一帶森林。迭遭濫伐。砂石流下。填塞河床。潮退時不能行船。崖縣常有洪水之患者以此。

(十二)北黎港 北黎港又名墩頭港。位于昌江之南。沿港各地。廣築鹽田。規模宏大。居民約八百家。商店在新街。為昌感貨物之輸出入港。惟港路短淺。巨船難泊。貨物起落。駁接需時。

(十三)英潮港 英潮港又名昌江港。位于昌江入海處。為昌江商旅出入要道。惟港身淤淺。不容巨船。離昌江縣城五里。有茅屋二三十間。港之北岸。茅屋魚鱗櫛比。居民業漁。每年二三月間。漁船麇集。魚客雲屯。極形熱鬧。入伏後則星散。寥落如荒村也。


(十四)海頭港 海頭港介于儋昌兩縣分界處。北岸屬儋縣。海頭市在焉。南岸屬昌江。新昌市在焉。中有一沙洲。周圍約六里。海頭新市在焉。港身西向。東西長三里。東北廣約二里。水深由四五尺至十餘尺。每年帆船往來於北海安鋪陽江江門鋪前海口臨高昌江感恩崖縣各埠者。約八十艘。

(十五)新英港 新英港在儋縣之西。距縣治約十里。北門新昌兩江由此入海。分為內外兩港。其分界處。西岸突出如虎牙狀。各有舊炮台一座。內港坐東向西。東西長約二十里。南北廣約十里。近新英市方面水較淺。由五六尺至十六



七尺。靠白馬井方面水較深。由五六尺至二十餘尺。外港坐北向南。洋浦市在焉。（小商店十餘家居民百餘戶）其西岸之土股伸出約八里。尖端有燈塔。今已廢。內外港均無碼頭。惟面積甚廣。航海事業。向稱發達。雖積沙多而水不甚

深。然四五百噸之輪船可以出入。若能稍事疏濬。自不失為西部之良港。有二江來注。淡水亦無虞缺乏。且本港位置。正與北海相望。將來欽榆鐵道築成。本島與大陸西部之聯絡。當以此地為最便。本港於對內對外。均具有相當之價值。未可忽視之也。



數百担之舊式帆船。間有運鹽輪船在此經過。但不載客貨。稍停即去。目前此港為臨屬最發達之港。每年貨物出入。約值五十萬元。

(十七)紅牌港 紅牌港又名石牌港。在臨高縣治東北約三里。與馬島港相鄰。港身坐南向北。長約十五里。寬約五六里。狹處約二三里。最窄處約一里。水深由六尺至五十尺不等。本港無商店。僅有居民數十家。皆以耕田製鹽打石為業。鹽僅行銷於內地。石則多輸出海口鋪前清瀾各港。現在海口建屋之石磚。皆為本港及馬島港出產者。本港無航



綫。除運石船外。絕無商船往來。清時曾築有炮壘二座。今俱崩毀。舊炮亦失。

(十八)馬鼻港 本港在臨高縣治東北約四十里。距紅牌港約三里。港身坐南向北。長約十五里。寬約十里。水深常在二十尺內外。一二千噸之輪船可駛入口。港之東岸。舊馬鼻市在焉。前有居民百餘戶。商店二十餘家。商業日臻發達。往來海口新英北海赤坎陽江各埠之帆船亦多。民國十二年來。疊遭雷州臨高夥匪焚劫。市場已成荒丘。現於離該舊市約四里之豪社村別立一新市。往來船舶極少。清代曾築炮台二座。皆坍塌。最近有僑商組織農業公司。在本港附近經營大規模之植麻事業。去年由香港購置農用機器粗重者多件。徑由輪船運入。在港起卸。而海口海防間輪船。遇颶風時。亦往往入港躲避。



(十九)龍峴港 龍峴港在臨高縣治之西北四十里。港身坐東南向西北。兩岸甚堅固。足以避颶風。港長約一里。寬約六百尺。港內多積沙。水深由二三尺至八九尺。港外略淺。港尾有小溝。深入四五里。多鹽田。居民四百餘家。有載重約千擔之帆船十餘艘。往來新英海口北海陽江各埠。以魚鹽為輸出品。

(二十)博鋪港 博鋪港在臨高縣治之北約三十里。位文瀾水下游。港身坐南向北。長寬約二里。水深由二三尺至十餘尺。港內多積沙。大帆船不能駛入。近岸無鄉市。船舶到此極少。但有少數走私船時一至焉。

(二十一)玉泡港 玉泡港在花場港之西。澄邁縣治北八十里。距橋頭市約四五里。港寬約二里許。水深由六七尺至十餘尺。現在航綫僅通海口。往來帆船。載重約五六十擔。有六七艘。

(二十二)花場港 花場港處東水玉泡兩港之間。距澄邁縣治五十餘里。與雷州半島之徐聞相對。分內外兩港。外港



寬約三里。水深一丈或二三丈。可泊數噸之輪船。內港寬約一里。長約四五里。水深由三四尺至十餘尺。潮落時。船隻出入頗形不便。航綫僅通海口。有載重數十擔之帆船四五艘。

(二十三)東水港 東水港在澄邁縣治之北約七十里。西至花場港約四五十里。距老城約五里。港面向北。前臨大海。港門約一里。港身約二里許。灣內窄處約百餘丈。寬處約一里許。水深由五六尺至十餘尺不等。通航路綫有三。一海口綫。二臨高綫。三雷州綫。帆船約十餘艘。載重均在百担左右。

## 第五項 水利

本島農田。多屬高原。水利未闢。旱災時生。收穫之豐歉。全視天時以爲轉移。就全島而論。萬寧水利最佳。陵水樂會次之。定安澄邁瓊山又次之。其餘各縣。多苦旱乾。蓋本島環五指山各河流。大抵因近岸林木。未加培養。遇暴雨急湍。則砂石坍落。流入河中。以致水量日短。河床日高。天久不雨則旱。雨多則潦。近海周回。情況大致相若。萬寧河流較密。迭經前人流濬。引水灌溉。尙屬便利。旱潦之患亦較少。陵水則以黎區水利爲佳。多於河邊架般竹管水輪。俗所謂天車者。利用自然水力挹水灌溉。樂會鄉間則多合數十畝田。於高處共掘一井。置水車於其中。二三人共踏之。引水上行。陵水車區。亦多用此法灌溉田畝。定安澄邁瓊山及萬寧第四區近溪河之處。亦如陵水黎區之利用水力設天車汲取。惟水位大低。輪高數丈。且河面廣闊。打樁堵水。每置一車。需費千數百元。非合數村農民財力。不易舉辦。其他各處。多用戽斗翻車取水。然水源缺乏。挹注無從。而一般農人。又往往惰於作業。任天而食。將來欲開發海南農業。則水利一事。誠爲一重大問題。至可以安設發動機之水力。則惟黎區中有之。以層巒高山多在腹地也。

## 第六節 主要市鎮



所謂主要市鎮。係就各縣取標準。不以全島論。如感恩之北黎。其狀況尚較文昌屬之一小市為有遜色。第在感恩則為主要市鎮。故並列入。其目前雖甚冷落。而將來有繁榮之望者。亦間及焉。

### 第一項 海口市

海口市在瓊山縣之北。海口港之濱。南渡江口西岸。陸運則有車路聯貫各縣。海航則有香港廣州北海暹羅安南新嘉坡等處輪船。定期往來。海陸交通。占本島重要位置。輸出入貨物。大半集散於此。為海南第一繁榮市場。咸豐八年。開闢




通商口岸。嚮歸瓊山縣管轄。清末曾設海口商埠警察局。逮民國十五年十二月。始改置獨立市。設海口市政廳。近年開闢馬路。改建舖屋。氣象一新。全市面積。約二十六方里。畫三警察區。凡三十餘街。有商店六百餘間。商務以第一二兩區為盛。而尤以中山路。北門路。四牌樓。新興街。得勝沙等處為最繁榮。第三區則多屬村莊。統計人口。約四萬五千有奇。居

留之外國人。男女共四十餘名。主要之工商業。以布疋。洋雜貨。製鞋。椰殼彫刻。米穀。棉紗。海味。九八行。香港莊。(專辦土貨運往香港者)五金行。紙料。豬牛出口。及匯兌等業為多。其他書報業亦漸盛。貿易品中之主要者。出口為豬牛家禽。






鷄鴨蛋。牛皮。檳榔。芝蔴。赤糖。瓜子。藤。鹽等。進口  
 爲洋布。煤油。米。白糖。車糖。粉絲。化學品等。貿易總  
 額。近年達一千數百萬元。輸入超過輸出。連年捐稅疊增。



工產輸出。有逐漸減少之勢。茲將市內各行營業狀況。列表  
 如左。

海口市各行營業概況表





商業種類	商店數目	每年營業總額	備	考
正頭洋什貨	八四	五、〇〇〇、〇〇〇元		
旅店	二二	二五〇、〇〇〇		
專代理船務	四	一〇〇、〇〇〇		
烟絲	一〇	四〇〇、〇〇〇		
米穀業	四〇	六、〇〇〇、〇〇〇	土米四、一〇〇、〇〇〇元 海米一、八〇〇、〇〇〇元	
洋紗海味店	二四	三、〇〇〇、〇〇〇		
中西藥材店	二四	一、三〇〇、〇〇〇		
土布竹料行	二〇	一、四〇〇、〇〇〇		
書籍印刷	八	二二〇、〇〇〇		
九八行	二〇	二、五〇〇、〇〇〇		
牛皮業	一〇	四〇〇、〇〇〇		
木料	一〇	一、〇〇〇、〇〇〇		
五金行	二〇	一、四〇〇、〇〇〇		
酒茶樓	八	二〇〇、〇〇〇		
造鞋舖	一五	四〇〇、〇〇〇		



土酒業	七	五〇、〇〇〇	
汽水廠	四	三〇、〇〇〇	
皮漆箱業	一〇	一〇〇、〇〇〇	
磁器行	一二	三〇〇、〇〇〇	
罐頭廠	六	二〇〇、〇〇〇	
糖菓店	一〇	二〇〇、〇〇〇	
布廠	五	三〇〇、〇〇〇	
染房	三	一〇〇、〇〇〇	
冰廠	一	四、〇〇〇	
香燭店	五	四〇、〇〇〇	
製雞蛋麵廠	八	五〇、〇〇〇	
椰壳店	四	四〇、〇〇〇	
板椰行	五	二〇〇、〇〇〇	
香港莊	一〇	二、〇〇〇、〇〇〇	即出口貨莊
生豬出口行	一〇	一、二〇〇、〇〇〇	
生牛出口行	五	一〇、四〇〇、〇〇〇	由新加坡與暹羅



匯兌業	二四	一〇、〇〇〇、〇〇〇	由僑居各埠匯返者
煤電油類		九〇〇、〇〇〇	
旅店附設匯兌船務入息		一〇〇、〇〇〇	

此外尚有商店百餘間。因規模較小。未及列入。又關於海口市之紀載。分見於港灣交通貿易金融各門中。

### 第二項 瓊山縣

瓊山市鎮。計有縣城。烈樓。龍橋。大林。永興。東山。那邕。塔市。演豐。靈山。龍塘。雲龍。三江。道崇。嶺脚。舊州。龍發。甲子。潭文。鍾瑞。文嶺。大坡。會文。新興。屯昌等二十餘處。其中以縣城烈樓舊州屯昌四市較為繁盛。茲分述其狀況。其餘各市。概從省略。

(一)縣城市 本市距海口市。公路僅七里。瓊山縣治及舊琼州府治在焉。清代商務繁盛。民國以來。漸趨海口。縣城已日形衰落。全市街道計五十三。住戶





一千六百餘家。商店一百七十餘間。以製鞋業為最盛。約占全商店三分之一。次則為米糧車衣布疋書籍器具等業。資本最大者不及萬元。即一二十元者亦少。多數為四五百元或百餘元。其貨物分銷內地者。以粗布鞋一項為大宗。熟烟次之。輸入貨以皮米樹膠為多。


(二) 烈樓市 本市在縣之北海口之西。有街道三。商店六十餘間。住戶一百五十餘家。丁口六百餘人。貨物輸出。以牛豬芝蔴糖荳油為多。輸入以煤油洋紗布疋鹽為多。每年貿易總額約十餘萬元。

(三) 屯昌市 本市在縣南。街道六。商店四十餘間。居民一百七十七戶。丁口八百八十餘人。每年輸出生豬赤米椰玉蟲絲鴨蛋。約值四萬餘元。輸入煤油京粉土布火柴黃豆生鹽。約值六萬餘元。

(四) 舊州市 本市在縣之中部。位于南渡江之濱。在公路未通以前。為海口嘉積間水運要衝。近則漸形衰落。全市有街道三。商店三十二間。居民四百六十三戶。丁口七百八十五人。輸出品以糖米竹器蔞芋為多。約值二萬四千元。輸入品以布疋京粉乾菜煤油食鹽為多。約值二萬七千五百元。

### 第三項 文昌縣

文昌市鎮。計有鋪前。林梧。東坡。錦山。羅豆。溪尾。胡山。菠羅。鳳尾。馮家坡。翁田。龍馬。再新。大昌。公坡。水北。大路。中心。潭牛。新橋。南陽。高隆。便民。頭苑。東閣。抱芳。昌洒。文教。龍樓。東郊。陳家。邁號。冠南。白延新。市等三十餘處。市街多數開闢馬路。並有公路互相聯絡。商務發達。為各縣之冠。然輸出品甚少。除菠蘿蔴椰子等物外。各市商品大抵多屬輸入。茲述其較






繁盛者數市於下。

(一)便民市 本市有街道二。經開關馬路。商店三百一十二間。已多數改建洋樓。文昌縣治。即設於此。水運可由文昌江直達清瀾港。陸運則車路四通八達。交通極稱便利。每年輸入布疋五十餘萬元。鹹魚四十餘萬元。米穀三十餘萬元。海味乾菜二十餘萬元。其他貨物約數十萬元。而輸出品則僅有椰子一種。約百萬顆。值三萬餘元。文昌僑外商人特多。每年由南洋各埠匯入之款。約有數百萬元。故匯駁店號。極為發達。綜計有四十餘家之多。與嘉積相埒。

(二)陳家與清瀾 陳家市在縣治東南二十里。船舶汽車。皆可直達。市街寬敞。鋪戶共一百餘間。昔設司官守備。築有城垣。清瀾市距陳家二里。在港之右岸。與碼頭市相對。有石堤十餘丈伸入海中。稍下則新填地貨倉在焉。僅有商店四五間。咖啡館數間。此外則為清瀾海關。地稅館。清瀾商會。清瀾團局。清瀾鹽務收稅處。鹽務分卡。三亞場分廠。航政分卡。炮台經費處等各機關局所。附近住戶。亦祇三五家而已。舊時商務全在頭市。近則漸移於清瀾。每當五六月間。各埠之帆船雲集。船到時。則有苦力數十。候石堤起貨。貨之賣買。就船為市場。輸出品以木材鹹魚米牛骨等為大宗。年約七十萬元。輸出品則有椰子。椰油。椰布。海菜等。年約一萬元。

(三)白延與邁號 白延與邁號相距甚近。均為縣南繁盛市場。白延有街道二。鋪戶一百三十八間。邁號有街道三。鋪戶約三百間。兩市均馬路寬廣。商店整齊。

白延每年輸入米鹽魚布疋約三十五萬元。輸出餅乾約三萬餘元。煙絲二萬餘元。椰油五千元。邁號每年輸入布疋罐頭糖油乾菜紙料等約五十萬元。輸出椰子波羅薯類約數千元。





(四)文教舖前與波羅 文教市在縣東。街道有三。舖戶約三百間。每年輸入。以布疋爲大宗。約值二十萬元。鹹魚木料煤油煙類紙料藥材磁器等。共值十五萬餘元。舖前市在縣北。位港之濱。與港北村相對。街道有二。商店一百八十二間。居民二百一十九戶。每年輸入木料鹹魚布疋約值三十餘萬元。波羅市在縣之中。舖戶約三百間。每年輸出波羅藤約二十萬元。

#### 第四項 瓊東縣

瓊東市鎮。計有嘉積。福田。長坡。大路。烟塘。縣城。里文。麝蘭。山竹。潭門等處。嘉積爲最繁盛。福田大路次之。福田食鹽最多。大路荳油最旺。茲將嘉積情形述之如下。

(一)嘉積市 嘉積爲東路商業總匯。本島第二市場。位于萬泉河北岸。車路上通瓊文。下達萬陵。水運陸運。均稱便利。全市面積約十方里。街道十三。舖戶共七百九十七間。商民約四千五百餘人。貨物輸出。以板榔椰子木材豬牛紅籐蜜糖等爲大宗。約值四十餘萬元。輸入以洋紗煤油布疋雜貨紙料爆竹陶器等爲最多。約值一百餘萬元。貿易總額共計一百五十萬元左右。市無錢莊。每年由南洋信局寄莊匯入。達一百餘萬元。主要營業。多屬布疋洋貨煤油鹹魚米等。商務以鐵鍋行太平坊兩街爲最繁盛。隔日一墟。頗形熱鬧。現正着手開闢馬路。改建商店。當公路未通以前。每墟日晨。由龍滾船埠文曲石壁等處駛來之小帆船。滿載客貨。雲集於埠頭。每隔四日。本市與海口間之客貨往來一次。自車路通後。已無此情況矣。

#### 第五項 樂會縣

樂會市鎮。計有卜鰲。縣城。中原。陽江。龍江。椰寨。文市等七處。其中以下鰲爲大。





(一)卜驚市 本市位卜驚港北岸。萬泉龍滾兩河下游。扼東路一帶水運要道。所有樂會全屬。瓊東縣南。萬寧縣北。及定安之西南隅。出入口貨物。道多經此。輸出品以藿香檳榔紅白籐益智木材生豬蜜糖為大宗。輸入以鹹魚生鹽陶器紙料為大宗。貿易總額約一百萬元以上。輸入超於輸出。每年在三四五六七八等旺月間。時有本島各港。及江門澳門之帆船七八十艘。聚集於此。全市鋪戶。共二百餘間。

### 第六項 定安縣

定安市鎮。計有定陽。巡崖。仙溝。平和。龍洲。雷鳴。永豐。富文。龍門。黃竹。居丁。思河。嶺口。龍塘。南閩。吉安。楓木。嶺門。荔枝塘。烏坡。石壁。文曲等二十餘處。茲特分述定陽巡崖嶺門龍門四市之情況。

(一)定陽市 定陽北枕建江。公路四達。定安縣治在焉。商店百餘間。住民三百餘戶。商務雖未見發達。而在定安可稱為一等市場。二日一小墟。四日一大墟。貨物輸出。以米生豬雞鴨為多。輸入以食鹽煤油為最。布疋木料等次之。最近開闢馬路。改建店鋪。氣象已為之一變。

(二)巡崖市 巡崖在縣治東北二十里。位南渡江之濱。有定期帆船往來海口。為定屬及嘉積一帶百貨出入口之要衝。每逢墟期。貨物雲集。全市有鋪戶二十餘間。市民多操駁載堆棧等業。無他種商店。自各處車路直達海口後。已日漸衰落。





(三)嶺門市 嶺門距縣治西南一百八十里。扼黎境交通要衝。舖戶約七十間。主要買賣。為煤油布疋土產等商品。

而尤以黎峒山貨為多。農產品則有米檳榔蛋絲山瑞竹筍牛羊豬馬鷄鴨木材等類。從前黎境山貨輸出。多由縣南之船埠市轉運卜鰲港。今則因車路已通。形勢頓變。本市地位。益見重要。不啻為黎境貨物輸出之總匯。

(四)龍門市 位于縣之中部。距縣城七十里。舖戶約七八十間。為嶺門龍塘嶺口及縣南各團必經要道。有車路可與瓊東之嘉積市瓊山之甲子市文昌之蓬萊市互相交通。為定安中心市鎮。間日一墟。趁墟人衆。頗形擠擁。主要輸入品為鹽布疋等。土產出品。有米豬牛鷄鴨等。

### 第七項 萬甯縣

萬甯市鎮。計有分界。龍滾。和樂。后安。縣城。興隆等數處。茲就較繁盛之縣城和樂分界三市略述之。

(一)縣城市 本市處瓊樂與陵崖陸路交通之要衝。為縣南一帶。及興隆以內黎峒貨物集散場所。萬甯第一繁盛之市場。輸出以生豬生牛薑香檳榔椰子木料為大宗。益智草仁紅藤蝦米蟲絲等次之。輸入則有布疋烟葉缸瓦乾菜藥材紙料爆竹以及各種雜貨。貿易總額。約在壹百萬元左右。輸入超過輸出。商務尙稱發達。上有龍興公路。下有萬陵公路。交通便利。商業前途。頗有發展之希望。

又縣城西門外有牛坡一處。每逢四八等日開市。亦頗熱鬧。生牛生豬為主要買賣。紅藤竹片缸瓦雜貨鹽米鷄鴨椰子檳榔傢私農具等物。交易亦不少。計每墟交易額約三千餘元。



(二)和樂市 和樂在縣治東北三十里。東濱港北港。有街衢二。鋪戶約二百間。附近人烟稠密。田畝廣闊。居民業耕田或捕魚。輸出品以米魚二宗爲大。運銷嘉積分界等市。戶鋪營業。以布疋雜貨藥材烟絲等爲主。輸入亦多此項貨物。日常買賣。皆屬魚蝦蔬菜。食鹽尤爲暢銷。貿易總額約在五十萬元左右。爲萬甯第二市場。龍興公路經過市中。近改建商店。開闢馬路。已氣象一新。

(三)分界市 分界在萬樂之交。市離嘉積五十里。接近龍滾溪。萬甯第四區及樂會縣南一帶之產物及日用品。均在本市交易。鋪戶約二百間。從前商業頗盛。自遭共匪蹂躪。市場破壞。尙未恢復。

## 第八項 陵水縣

陵水市鎮。計有六處。曰新村。曰多華。曰北關。曰貢舉。曰萬陵。曰寶亭。茲就其中最繁盛之北關。新村二市略述之。

(一)北關市 北關在縣城外。位陵水溪北岸。爲縣屬商業中心。向稱本島第三市場。鋪戶共三百餘間。商人以文昌樂會兩縣籍占多數。萬甯。瓊東。瓊山。順德等處次之。陵水產米。每年輸出約五萬餘担。次則爲木料鹹魚牛皮白藤椰子乾鴨蛋等。均由帆船運往新嘉坡江門澳門海口文昌嘉積等處發售。輸入品以煤油布疋紙料爆竹火柴爲大宗。亦以帆船從廣州灣海口嘉積江門澳門等埠運返。貿易總額約在百萬元左右。自共匪亂後。市面蕭條。非數年恐難規復原狀。

(二)新村市 新村距縣治三十里。位新村港之濱。爲陵水主要商埠。貨物輸出。以魚鹽木材爲大宗。豬牛次之。江門澳門北港文昌樂會之漁船及運鹽船。時來集此。市雖近縣城。店鋪營業。日常買賣。皆不暢旺。

## 第九項 澄邁縣



澄邁市鎮。計有豐盈。老城。白蓮。橋頭。花場。福山。安仁。美亭。金江。大雲。長安。瑞溪。新吳。加樂。石浮。西昌。海軍。福來。中興。岑崙。和安等二十餘處。鋪戶由五六十間至一二百間不等。營業皆不甚發達。茲就較繁盛之金江瑞溪兩市述之。

(一)金江市 金江位新安江北岸。小坡環繞。形勢如盆。澄邁縣治遷移於此。全市面積約一方里。鋪戶共四百餘間。居民約二千人。輸出品以生豬米穀鴨蛋爲大宗。輸入品以布疋洋紗煤油黃荳爲大宗。在公路未通以前。儋臨兩屬南部之出口貨物。多由南渡江經過此處。今則半由車路運銷矣。

(二)瑞溪市 瑞溪在縣之東。新安江之南。鋪戶共五百餘間。商務比金江稍盛。貨物輸出以米穀檳榔糖條薯芋花生豬牛羊爲多。輸入則與金江略同。

## 第十項 臨高縣

臨高市場。計有縣城。新興。水邱。東英。波蓮。美台。多文。龍波。加來。和舍。南豐等十餘處。茲就其中之新興。龍波。和舍。南豐等市述之。

(一)新興市 新興爲臨高一等市場。在縣治西四十五里。與新盈安全兩港相連。有新臨公路與縣城相通。周圍約三里。街有六。居民二百五十七戶。商店一百七十家。丁口一千零五十二人。商店資本額。多者不過五六千元。貨物輸出。魚爲大宗。(查新盈新興安全三港每年出魚共二百五十餘萬斤約值三十一萬餘元半數銷在內地)鹽生豬海味藤竹次之。輸入品爲布疋棉紗雜貨銅鐵器具蔴繩缸瓦紙料木料煤油草包之類。共值二十餘萬元。貿易總額。年約五十萬元。營業狀況。在本縣尙稱暢旺。每年七八月間。爲銀根最緊時期。因漁船準備出海。需款最多也。本市居民。捕魚之外。非營商卽肩挑。業耕作者極少。



(一)和舍市 和舍爲臨高第二市場。在縣治南九十里。和海那和二公路以此爲終點。爲縣南及黎峒之出路。周圍約一里。市街不甚整潔。有洋樓數間。居民一百五十六家。商店十餘間。丁口共八百六十六人。商店資本額最大者約三千元。貨物輸出。以米穀牛豬豆油爲大宗。牛皮鴨蛋赤糖等次之。輸入多屬布疋魚鹽銅鐵缸瓦煤油藥材棉紗棉花紙料木料雜貨之類。每年貿易總額。約十餘萬元。市內有高等小學校一所。及美國教會所設之福音堂一間。和東和舍二團局。亦并設於此。

(二)龍坡市 龍坡在縣治東南六十里。東與澄邁相接。周圍約一里。居民一百家。商店十餘間。丁口三百餘人。本市商業。多營過載。其地當臨澄交通要道。凡由臨高出產貨物。銷流於澄瓊定各處者。多經過於此。故行商甚多。隔日一墟。頗形熱鬧。土人稱爲第二臨高縣。每年經過本市輸出之魚。約七十五萬斤。值銀十萬元。鹽約五十萬斤。值銀一萬三千餘元。牛約一千五百頭。值銀六萬元。豬約一千二百隻。值銀三萬元。鴨蛋約一千五百担。值銀一萬二千元。竹約六百車。值銀四千二百元。穀約六百車。值銀一萬元。共約二十餘萬元。輸入貨物。以布疋銅鐵紙料缸瓦煤油棉紗木材雜貨之類爲多。約值二萬元。居民多以小販爲業。亦間有業農者。

(四)南豐市 南豐在縣之西南隅。距儋縣那大市三十里。周圍約二里。百年前純爲黎苗棲息之地。今則爲漢黎苗三族之公共市場。前清設撫黎局於此。轄黎十峒。民國因之。至十一年始廢。街道雖爲舊式。但甚整潔。居民二百零九戶。共一千一百九十餘人。皆於數十年前由惠潮梅各地移入者。風俗語言。毫無改變。有小商店二十五間。手工店十間。資本額最多者約四千元。隔日一墟。商業雖不甚發達。然苗黎錯處。頗覺熱鬧。貨物輸出。以牛豬獸皮米穀烏豆油爲大宗。芝蔴菸葉籐雞鴨及蛋等次之。其餘木料筍乾草仁益智金釵薯蕷等亦不少。統計約值銀七萬餘元。輸入多屬布疋魚鹽銅鐵缸瓦煤油紙料藥材故衣棉花棉紗雜貨。約六萬元。市內有美國人所設之福音堂一所。及高等小學校二所。



## 第十一項 儋縣

儋縣市場。計有新英。海頭。白馬。光村。洛基。和慶。大成。木裳。大星。南辰。那大。長坡。王五。縣城等十餘處。茲就其中較繁盛之新英那大海頭等市述之。

(一)新英市 新英爲儋縣最盛之市場。距縣治約十里。交通便利。位新英港之東岸。新昌江出其前。北門江繞其背。新南公路由此發軔。惜港內水淺沙多。輪船不能深入。每年輸出紅魚瓜子糖條綠豆魷魚蕒羗牛皮牛骨生豬等。輸入布疋雜貨銅鉄器具缸瓦木材紙料蔗船纜煤油桐油藥材食品飲料等。約計值銀九十餘萬元。輸出輸入略足相抵。全市居民一千零八十三戶。商店二百八十五間。丁口八千一百九十六人。營業頗盛。惟市政腐敗。街道不潔。市內有高等小學一間。初等小學三間。瓊海關儋州總口亦設於此。又新英港有捕魚船八十五艘。每年當八九月間。駛回港內修理。斯時需款甚急。銀根頗爲吃緊。

(二)那大市 那大距縣治東南一百二十餘里。處北門江上游。通那和公路。爲儋縣東南要市。商店八十七間。居民五百一十三家。輸出品以米穀牛豬爲大宗。每年約十萬元。豆油赤糖烏豆鴨蛋牛皮次之。約七萬元。山貨則有籐皮椰玉鹿茸之類。約五萬元。共計二十二萬餘元。輸入布疋雜貨銅鉄器具煤油麪粉魚鹽藥材烟絲等貨品。年值二十餘萬元。附近地區多平野。土壤鬆黑。宜於墾植。僑興僑植僑立新濟萬隆永生等墾植公司。皆在此經營農林事業。市內有美國人設立之福音堂一所。

(三)海頭市 海頭距縣治西南一百二十里。與昌江交界。位海頭港之濱。市街一條。達於土股。商店十餘。居民五百餘戶。內有茅屋八十餘間。此處儼然一漁村。商務則在新市。貨物輸出。以瓜子爲主。白籐木料獸皮獸角等次之。共值二萬餘元。輸入除船上使用貨物外。有故衣雜貨銅鉄器具缸瓦紙料等。約值十餘萬元。新市居珠江之下游。在海頭港



內沙洲上。一水環繞。周圍約六里。市在洲之東北端。距海頭港約二里。居民一百五十餘戶。商店大抵爲零沽小販。隔日一墟。黎人爾多攜山貨當街擺賣。市況亦殊熱鬧。海產賣買。大批者多在船上。交易後卽由漁船搬落商船。運往他處。零沽者則在海濱沙灘擺賣。購者甚多。儋州口海頭分卡在焉。

## 第十二項 崖縣


崖縣市鎮。計有藤橋。三亞。保平。臨高。港門。九所。望樓。黃流。鶯哥。縣城。佛羅等十餘處。茲就較繁盛之藤橋三亞鶯哥三市分述之。

(一)藤橋市 藤橋在崖陵之交。位于藤橋港西北岸。爲崖縣一等市場。崖屬東部十二村黎峒。陵水西南部。及保平以內各黎峒之貨物。皆就此爲集散場所。江門澳門安舖及本島各港一二千担之帆船。亦時來集此。春夏之間。漁業旺盛。輸出品以木材藤札椰子薏米木耳牛皮米穀鹹魚爲大宗。赤糖麩皮山甲牛豬椰玉沈香等次之。商場交易之盛衰。與農產收成之豐歉爲正比例。因本地方人極少外出經商。除農產外別無所入。故商店多屬零沽。無大宗貨物輸入。全市大小商店五十餘間。住戶約二百家。近年遭共匪焚劫數次。市況凋落。現在已復業者十餘家。僅蓋茅屋。藤橋附近。煙戶尙稀。地土肥沃。荒原極廣。種植樹膠椰子咖啡桐漆蔗蔴等類。均甚適宜。將來公路築成。交通便利時。經營實業者。必多趨南部。藤橋必當繼那大嘉積而起。爲海南有數之實業區也。

(二)三亞市 本市位三亞港北岸。爲崖縣重要市場之一。稍讓於藤橋。沿港附近。富產漁鹽。北港陽江安舖文昌樂會之漁船鹽船。恆以時來集。輸出品以魚鹽爲大宗。木料椰子藤皮益智椰玉米穀等次之。營業狀況。以鹽魚爲最盛。此二者均有一定之期。過時則甚形冷淡。往昔商業在三亞街。(三亞街距本市十餘里)今則漸移於本市。市內鋪戶共四百餘間。附近鹽場七十所。販運鹽莊十三家。將來港口如能加以改良。使輪船有停泊場所。則前途殊有希望。



崖縣  
三亞  
市



(三)鴛哥市 本市在崖縣極西隅。位鴛哥海之濱。沿岸均為盤石。風浪甚大。泊船極為危險。出產以蝦米為多。且最有名。鹹魚次之。均運銷省城海口等處。鋪戶一百餘家。住民二千餘戶。商店買賣不甚發達。惟以地無稅關軍警。便於走私。儼然一自由市場。嗜利商民。趨之如鶩。

### 第十二項 昌江縣

敦頭新街 昌江縣城商業衰落。店鋪極少。惟敦頭新街較為繁盛。本街在縣之南。密邇敦頭港。為昌感兩縣出入門戶。且地當鹽區。又毗連黎峒。其輸出以鹽魚木材為大宗。年達一百萬元以上。市街一條。商店三十餘間。所售以布疋雜貨。及日常用品為多。海關分卡。鹽務分卡。三亞鹽分廠。鹽館。商會。皆設於此。本街於民國十年建築。故名新街。迨北黎焚燬後。所有商業概集中於此。其餘如昌江城及海尾港。均有藥材店一間。雜貨店二間。餘皆零星小販。新昌昌江兩港。則僅有二三間小販店而已。且無墟市。每十日或半月屠豬一次。

### 第十四項 感恩縣

北黎市 感恩縣內。商業素不發達。市場有北黎縣城板橋三處。北黎位於縣之極北。與昌江敦頭僅隔一水。民國十  
二年前。所有昌感鹽商。以及往來商旅。皆集中此地。自被鄧本殷部焚燬後。頽垣斷瓦。滿目蕭條。一時尙難恢復。縣城板橋二市。俱寥落。無商業可言。